

Universitätsbibliothek Paderborn

**Martini Bonacinæ Vtrivsque Signatvræ Referendarii
Compendium Omnim Operum de Theologia Morali,
omnibusque conscientiæ nodis**

Bonacina, Martino

Coloniæ Agrippinæ

Donatio.

urn:nbn:de:hbz:466:1-41152

Potest dominus in domibus servorum dare hospitium externis per aliquot dies; modo id faciat suis expensis.

Potest & solus hospitium, & furnum publicum, si vel habere.

Dominum rei, quæ nullius fuit, non acquiritur sine apprehensione; sufficit autem in spiritualibus habere titulum.

Domus. v. etiam Conducio.

Concessa alicui domus habitatione, intelligitur etiam concessum, ut possit locare; nisi solus usus concedatur.

Donatio.

1. Donatio nihil est aliud quam liberalis datio alicuius rei. Donatio remuneratoria, non est propriè donatio; item neque remissio debiti facta liberaliter à creditore. *tom. 2. de Contractibus, diff. 3 q. 13. punct. 1. n. 1. & seq.*

2. Ille potest doare, qui habet liberam administrationem & dominium bonorum, & à jure non impeditur: ex quo patet prodigum, impuberem sine licentia curatoris, familias non habentem bona castrensa vel quasi, religiosum Superiori subditum absque licentia sui Superioris, uxorem non habentem alia bona præter dotem, furiosum, amentem; vel alium qui non est sui compos, eum cuius bona fisco adjecta sunt, & minore in non posse donare absque consensu curatoris tacito, vel expresso; quamquam minor donare potest ea, quæ alii suæ conditionis donant. Item beneficiarius non potest ad suum libitum fructus beneficij qui supersunt congruae suæ sustentationi, donare vel impendere in usus profanos & vanos; quamvis si donet, valida sit donatio. *ibid. punct. 2. num. 1. & seq.*

3. Donatio patris in filium legitimum non emancipatum, regulariter non est firma jure communi, sed revocari potest ad arbitrium patris; nisi facta sit cum juramento. Dicitur regularuer, nam dantur aliqui casus, in quibus validi est donatio patris in filium, si fiat sine damno legitimæ aliorum filiorum; hi casus sunt donatio causa dotis & nuptiarum tirulo remuneracionis ob accepta obsequia, quando pater remittit filio usumfructum, quem habet in bonis filii adventitiis, quando donat filio eundi ad castra bona mobilia. Item quando valet donatio inter conjuges, valet etiam interliberos; valida autem est donatio inter conjuges, si conjux do-

net

net causa mortis, aut remunerationis ob merita & obsequia alias non debita: ut si senex duxit puellam, si maritus constante matrimonio condonet & remittat dotem, aut scilicet fateatur se dotem accepisse, cum non acceperit; si fiat contrados, quae si fuerat constituta, constante matrimonio, poterit mortuo viro exigi ab uxore; quando donator non efficit pauperior ob talem donationem, aut donatarius non sit locupletior. *ibid. punct. 5. n. 2.* & *punct. 4. n. 29.*

4. Petes, an annuli, vestes, & similia quae uxoribus fieri & tradi consueverunt a maritis, censeantur donata, vel tantum concessa ad usum; Resp. si haec ornamenta sint vilia, & ad quotidianum usum, censemur donata, sicque sunt propria uxoris; secus si sint pretiosa, vel festiva. *ibid. num. 30.*

5. Donatio omnium bonorum praesentium & futurorum inter viros, invalida est, nisi fiat Ecclesiae, vel causae piae, aut confirmetur juramento; quia per hujusmodi donationem adimitur potestas testandi, quam jura adimi nolunt. *ibid. punct. 5. num. 1.*

6. Insinuatio (quae est quedam manifestatio, qua donans declarat judici in scriptis, se liberè tantam summam alteri donare, & iudex suo consensu illam approbat,) requiritur ad donationem excedentem quingentos solidos, id est, quingentos nummos aureos, alioquin donatio invalida est quoad excessum; etiam si donatio sit tantummodo tacita & presumpta, nisi firmetur juramento, vel fiat causae piae, vel nisi fiat Principi absolute. Idem valet, etiam si donatio facta sit pluribus simul absque insinuatione. *ibid. punct. 6. num. 1. 2. 3.*
& 4

7. Ille cui facta est donatio excedens dictam summam tenet ad restitutionem, si exigatur a donatore, velejus heredibus: si vero non exigatur, non tenetur. *ibid. num. 6.*

8. Non est liberum donanti rescindere, quoties voluerit, donationem factam inter vivos, praterquam in his casibus, ob ingratitudinem donatarii; modo donatio non sit facta ob causam, vel cum expresso juramento non revocandi ob ingratitudinem: aut ob susceptionem prolis legitimae non pre cogitatam, aut ob inofficiam donationem, quae contingit, quoties pater tantum donat, ut non retineat quantum postulat legitima portio filiorum; appellaturque inofficiosa, quia est contra officium pietatis. Haec autem inofficiosa donaria revocari potest, quatenus opus est ad

supplendas legitimas filiorum portiones, modò donatio non sit facta extraneo: hæc enim revocatur in totum. *ibid. punct. ult. n. 2. & seq. item. n. 13. & 14.*

9. Petes, utrum si filii nascantur post donationem, sed adhuc vivente patre moriantur, reviviscat donatio? Respondetur negativè, nisi ex conjecturis appareat, patrem item in donationem consentire. Similiter non revocabitur donatio, si facta donatione, filius naturalis, aut spurius nascatur, qui privilegio Principis legitimetur; quia in leg. fit tantum mentio legitimorum. *ibid. num. 17. & 18.*

10. Heredes donatoris non possunt revocare donationem ob ingratitudinem donatarii commissam contra donatorem, si ingratitudo cognita fuit donatori, illique superfluit tempus ad revocandam donationem; name o ipso quod cognovit, & non revocavit, censetur condonasse. *ibid. n. 5.*

11. Donatio facta causa mortis, potest à donatore usque ad mortem revocari, sicut revocari potest legatum & testamentum. Non censetur autem donatio facta causa mortis, nisi sit facta mentio mortis. *ibid. n. 20. & 21.*

Dubium.

Vide v. Peccatum.

Duellum.

Vide v. Excommunicatio.

1. *Duellum est pugna singularis, deliberata ab utraque parte, sponte & ex condicione suscepta, statuto loco & tempore, cum periculo occisionis, mutilationis aut vulneris.* Hinc collige bellum non esse duellum, neque conflictus, qui sunt in bello inter hostes, dum unus dux mittit decem milites in arenam contra alios decem; neque conflictus, qui sunt subito ira fervore, vel ex altercatione nascuntur; neque secundum nonnullos illi videntur incidere in pugnantium in duello, q. i. se obviam habentes, diffidant se in tali loco, quò statim tendunt, & ibi pugnant: quamquam contrarium probabilius sit. *am. I. de Excommunicacione. disp. 2. q. 6. punct. 1. n. 2. & seq.*

2. *Pugnam inchoans in Ecclesia, non videtur incidere in*